




Bovdehus

Davvi válljii min **- seminára Nils-Aslak Valkeapää muitun**

njukčamánu 23. b. 2013 – Dávvi álbmogiid guovddáš, Olmmáivággi



*Davvi válljii min,
bovccot
guolit
lottit,
válljejedje*

*ja mii
oaččuimet giđa ovddolaš beaivvi
alit ija muitalusaid*

Vižžojuvvon girjjis Nu guhkkín dat mii lahka | Så fjernt det nære

Njukčamánu 23. b. 2013 mánggadáiddat dáiddár Nils-Aslak Valkepää – Áillohaš – livččii deavdán 70 jagi. Vuodđudus Lásságámmi dál bovde du seminárii mas mii su muittašit dáiddárin ja movttiidahttin. Dan beaivvi mii vuos álgit Áillohačča muitobottuin su hávddi luhtte Biertaváris. Dan maŋŋá mii joatkit Davvi álbmogiid guovddážis, Olmmáivákkis, seminárain mas leat njeallje miellagiddevaš sáhkavuoru mat čuvgejit midjiide su dáiddalaš barggaid.

Seminára maŋit oasis rahppojuvvo retrospektiiva čájáhus, mii lea Davviálbmogiid dálážiid museas gitta jagi 2013 geassemánu lohppii, ja mii dasto galgá johtit Davvikalohtas. Dan maŋŋá olbmot bovdejuvvojit searvat mállásiidda mat leat Davvi álbmogiid guovddážis, ovdalgo mii loahpahit beaivvi doaluid Lásságámmis, Áillohačča iežas ruovttus Ivgobađas. Lásságámmis mis lea áigi háleštit ja smiehtadit.

Seminára lea nuvttá, maddái guossoheamit. Galledeaddjit fertejit ieža máksit mátkki ja orruma. Vuodđudus Lásságámmi lea várren muhtun mearrabuvrriid Olmmáivákkis, ja daid mii sáhttit juogadit seminárii searvi olbmuide guđet jerret mis, ja dasságo mii buot daid lanjaid leat juohkán. Ovttalanjat idjadeami lea maid vejolaš dingot dás: Skibotn rehabilitering, tlf. +47 777 15900.

Áigemearri: maŋimustá njukčamánu 13. b. 2013. Dieđit iežat dása, ja muite ahte dieđiheapmi geatnegahtta:

maria.figenschau@storfjord.kommune.no
dahje mobiltelefon + 47 400 28 867.

Atte maid iežat dieđiheamis diehttevassii jos it gierdda dihto borramušaid, ja sidatgo searvat mállásiidda.

Sidjiide guđet dáhttot searvat dárogielalaš-sámegielaš girku sotrabeaivvi njukčamánu 24. b., mii sávvat bures boahtima dii. 11:00 Gáivuona girku, mii lea Dálošvákkis. Dat ii leat min seminára almmolaš prográmma oassi.


Bures boahtimistádet!

Prográmma – Vuosttas oassi

- Kl. 11.00 **Muitoboddu hávddi luhtte - Biertavári hávdeeana**
Muitosánit – Per Ludvig Boine
Sámi lávlunjoavku lávlu
- Kl. 12.30 **Bures bohtin - Davvi álbmogiid guovddáš, Olmmáivággi**
- čoaččkinjodiheaddji Rose-Marie Huuva
Registarastin ja álkis iditbeaiborramuš
Lásságámmi vuodđudusa stivrrajodiheaddji Anne Dalheim rahpá seminára
Musihkalaš guoimmuheapmi - Inga-Máret Gaup Juuso
- Kl. 13.00 **Beaivi, Áhčážan – sámiid nationála epos**
Kari Sallamaa, Oulu universitehta: Nils-Aslak Valkeapää dievasvuodalaš
dáiddárin, filosofan ja oktasaš sámi identitehta ovddasmanni huksejeaddjin
- "Beaivi, Áhčážan" (1991) girjiinis Valkeapää loahpas attii sámiide nationála eposa. Das, mas leat 570 divtta, lea viiddis visogovva sámi mytologiija, historjjá, ealáhusaid, dábálaš eallima birra, jna. Dan seammás dat lea iešbiografiija ja mitalus iežas ovdáneami birra olmmožin. Dattetge dat ii leat dušše dáiddalaš čálabargu, muhto dievasdáiddabargu, go girji hápmi ja govat, sihke Áillohačča grafihka ja govviduvvon govat eai leat olgguldas činat, muhto mitalusa oasis.
- Kl. 14.00 **Áillohačča bargovuogit**
Kristina Utsi (DAT) sáhkavuorru
- Kristina Utsi lei Áillohačča lagaš ustít ja sis okta geaiguin son vuodđudii DAT o.s. nammasaš girjelágádusa 1980-logus. Sin áigumuš lei ráhkadit almmuhankanáldaid sámi girjjálašvuoda ja musihka várás, ja Áillohaš gozihii girjelágádusa dáiddalaš buvttadeami. DAT lea almmuhan Áillohačča eanaš girjiid ja CD- ja MC-buvttadusaid. Kristina čuvge midjiide mo Áillohaš barggai ja válmmaštii girjiidis ja CD- ja MC-buvttadusaidis.
- Kl. 14.30 **Living with reindeers in a landscape of Nils-Aslak Valkeapää's poems**
- how Ailu's poems are reality today,
Leena Valkeapää sáhkavuorru
- Leena Valkeapää lea dáiddár, váldán loahpalaš "Master of Arts" eksámena "University of Art and Design" nammasaš universitehtas Helssegis jagi 2004. Su isit lea Oula Antti, Áillohačča ednot. Leena lea čállán antropologalaš dutkosa mas maŋŋá lea šaddan girji mas čájeha mo Áillohačča divttat govvidit duohta eallima.
- Kl. 15.00 **Boddu, mas lea vejolaš deajastallat, gáfestallat ja boradastit**
- Kl. 15.30 **Jagi 1992 poesijakonseartta muittut Romssa gávppogis: Davviriikkaid rádi girjjálašvuodabálkkašumi vuoti, Nils-Aslak Valkeapää.**
NRKa Per Kristian Olsena ja Romssa universitehta Harald Gaski hálešteapmi
Valkeapää poesija ja juoigama birra
- Nils Aslak Valkeapää oaččui jagi 1991 Davviriikkaid rádi girjjálašvuodabálkkašumi. Dastá maŋŋelaš son doalai poesijakonseartta Skarvena nammasaš olgobáikkis Romssa gávppogis, maid Harald Gaski lágidii. NRKa bargi Per Kristian Olsen lei das ja báddii konseartta. Harald Gaski ja Per Kristian Olsen hálešteaba Áillohačča birra, ja sudno vuolggasadji lea dát namahuvvon poesijakonsearta. Báddemat main Áillohaš logada ja hálešta olgobáikki gussiiguin ruotagillii ja dárogillii, leat erenoamážat. Earret unna oasáziid maid NRK lea sádden radios, eanaš lea orron NRKa arkiivvain iige leat almmuhuvvon goassege.
- Kl. 16.20 **Vuosttas oasi loahpaheapmi**
-

Prográmma – Nubbi oassi

- Kl. 16.30 **Čájáhusrahpan - Davvi álbmogiid guovddáš, Olmmáivággi**
Govvadáiddár Ingunn Utsi rahpá čájáhusa
Musihkalaš hávskkuheapmi - Inga-Máret Gaup Juuso
Diktabottoš - Kristina Utsi og Harald Gaski
- Kl. 18.00 **Mállásat - Davvi álbmogiid guovddáš, Olmmáivággi**
Vuodđudeaddjiid 5-minuhttasáš dearvvuodát
- Sámediggi
 - Romssa fylkkasuohkan
 - Romssa universitehta
 - Omasvuona suohkan
- Kl. 20.00 **Hálešteapmi ja refleksuvdna - Lásságámme, Ivgobahta**
Harald Gaski oahpista
Álkis guossoheapmi
- Kl. 22.00 **Nuppi oasi loahpaheapmi**



davvi
láli
čavggahalai

Vižžojuvvon girjjis Nu guhkkinn dat mii lahka | Så fjernt det nære
